

В неделю вечера и в понед. на «Бог – Господь»:

Со Ангелы Небесная, с человеки земная, / гласом радования, Богородице, вопиём Ти: / радуйся, врата, Небес ширшая; / радуйся, едина земнородных спасение; / радуйся, Чистая Благодатная, // рождающая Бóга воплотившагося.

В конец утрени: От Дёвы возсиявый миру, Христе Бóже, // сыны Света Тою показавый, помилуй нас.

В понед. вечера и во вторник на «Бог – Господь»:

Скóрый Твой покров, и пóмощь, / и милость покажи на рабы Твоя, / и вóлны, Чистая, укроти суетных пóмыслов, / и пáдшую мою душу возстави, Богорóдице: / вем бо, вем, Дёво, // яко можеш, елика и хóщеш.

В конец утрени: Мáти Божия Пресвятая, стено христиáн, / избави люди Твоя обычно, зовущия Ти прилёжно, / сопротивися срамным и гордым пóмыслом, // да вопием Ти: радуйся, Приснодёво.

Во вторник вечера и в среду на «Бог – Господь»:

Крестом Сына Твоего, Богоблагодатная, / идольская прелесть вся упразднися / и дёмонская крепость попрáся. / Сего ради, вёрнии, / по долгу Тя присно поем и благослóвим // и, Богородицу воистинну исповедующе Тя, величаём.

В конец утрени: От Дёвы возсиявый миру, Христе Бóже, // сыны Света Тою показавый, помилуй нас.

В среду вечера и в четверток на «Бог – Господь»:

Стрáнное Девы таинство миру показася спасительное:/ от Нея бо родился еси без семене/ и плóтию показался еси без истлѣния,// всех радости, Гóсподи, сла́ва Тебе́.

В конец утрени: **Ма**ти Божия Пресвятая, стено́ христиа́н,/ избави люди Твоя обычно, зовущия Ти приле́жно,/ сопротиви́ся срамным и гордым по́мыслом,// да вопием Ти: ра́дуйся, Присноде́во.

В четверток вечера и в пяток на «Бог – Господь»:

Крестом Сына Твоего, Богоблагодáтная,/ идо́льская прелесть вся упразднѣся/ и дѣмонская крепость попрáся./ Сего́ ради, вернии, по долгу Тя присно поем и благослóвим// и, Богородицу воистинну исповедующе Тя́, велича́ем.

В конец утрени: **От** Девы возсиявый миру, Христе Бóже,// сыны Света Тою показáвый, помíлуй на́с.

В пяток вечера и в субботу на «Бог – Господь»:

Ра́дуйся, двери Господня непроходíмая;/ радуйся, стено и покрове притека́ющих к Тебе́;/ ра́дуйся, необуреваемое пристанище и неискусобра́чная,/ рóждшая плотию Творца Твоего и Бóга,/ молящи не оскудевай о воспева́ющих// и клáняющихся Рождеству́ Твоему́.

В конец утрени: **От** Девы возсиявый миру, Христе Бóже,// сыны Света Тою показáвый, помíлуй на́с.